



Ciorclán 0046/2019

**Chuíg: Údaráis Bhainistíochta Bhunscoileanna, Meánscoileanna, Pobalscoileanna  
agus Scoileanna Cuimsitheacha Aitheanta  
agus  
Príomhfheidhmeannaigh na mBord Oideachais agus Oiliúna**

**ATHBHREITHNIÚ AR THUARASTAIL MAIDIR LE CÚNATÓIRÍ RIACHTANAIS  
SPEISIALTA (CRSanna) LE hÉIFEACHT ÓN 1 MEÁN FÓMHAIR 2019**

1. Is mian leis an Aire Oideachais agus Scileanna údaráis bhainistíochta agus CRSanna a chur ar an eolas faoi chur i bhfeidhm rátaí athbhreithnithe tuarastail le héifeacht ón 1 Meán Fómhair 2019.
2. Tugadh isteach na rátaí tuarastail athbhreithnithe mar thoradh ar Chomhaontú Cobhsaíochta na Seirbhíse Poiblí 2013 – 2020 (Comhaontú Bhóthar Haddington/ Comhaontú Bhóthar Lansdún) agus Acht Pá agus Pinsean na Seirbhíse Poiblí 2017.

**Méaduithe Tuarastail le héifeacht ón 1 Meán Fómhair 2019**

3. Tuarastail bhliantúla le méadú **1.75%** le héifeacht ón 1 Meán Fómhair 2019.
4. Faoi iamh in Aguisín 1 tá na scálaí tuarastail athbhreithnithe a chuireann na méaduithe sin chun feidhme agus a mbeidh éifeacht leo ón 1 Meán Fómhair 2019.
5. Faoi iamh in Aguisín 2 tá na rátaí ócáideacha athbhreithnithe in aghaidh na huairé do CRSanna a mbeidh éifeacht leo ón 1 Meán Fómhair 2019.
6. Cuirtear téarmaí an Chiorcláin seo in ionad gach scála tuarastail agus ráta ócáideach in aghaidh na huairé atá iníoctha le CRSanna atá leagtha amach i gCiorcláin roimhe seo agus beidh éifeacht leo ón 1 Meán Fómhair 2019.

**Rialuithe Feabhsaithe maidir le Téarmaí agus Coinníollacha Fostaíochta  
Comhaontaithe le héifeacht ón 30 Samhain 2015**

7. Meabhraítear d'fhostóirí gur leasaíodh an tAcht Airí agus Rúnaithe (Leasú) 2011 faoin Acht um Bearta Airgeadais Éigeandála ar Mhaithe le Leas an Phobail (FEMPI) 2015 chun rialuithe feabhsaithe a thabhairt isteach maidir le téarmaí agus coinníollacha fostaíochta a comhaontaíodh idir seirbhísigh phoiblí agus fostóirí a gcomhlachtaí seirbhíse poiblí le héifeacht ón 30 Samhain 2015. Tá na codanna ábhartha den Acht le fáil in Aguisín 3. Déileálfar le ró-íocaíochtaí de réir na nósanna imeachta atá leagtha amach i gCiorcláin 0084/2015 nó 0032/2016 do bhaill foirne atá fostaithe ag BOOanna.

## **Cúrsaíocht agus Ceisteanna**

8. Déan cinnte de go gcuirtear cóipeanna den chiorclán seo ar fáil do gach comhalta den Bhord Bainistíochta/Boird Oideachais agus Oiliúna agus go gcuirtear a bhfuil ann faoi bhráid gach CRS atá i d'fhostaíocht, lena n-áirítear iad siúd ar chead neamhláithreachta.
9. Is féidir teacht ar an gCiorclán seo ar shuíomh gréasáin na Roinne faoi [www.education.ie](http://www.education.ie)
10. Ba cheart fiosrúcháin maidir leis an gCiorclán seo a sheoladh trí ríomhphost chuig: [NTSPayroll@education.gov.ie](mailto:NTSPayroll@education.gov.ie)

P. Maloney  
Príomhoifigeach  
Párolla

14 Lúnasa 2019

## Aquisín 1

Cúntóirí Riachtanas Speisialta		
	Iontrálaithe roimh an 1 Eanáir 2011 1/09/2019	Iontrálaithe tar éis an 1 Eanáir 2011 1/09/2019
<b>Cúntóir Riachtanas Speisialta (Cúram Leanaí)</b>	€ 25,964	€ 23,999
	€ 26,753	€ 25,576
	€ 27,902	€ 25,964
	€ 29,056	€ 26,753
	€ 30,211	€ 27,902
	€ 31,047	€ 29,056
	€ 32,156	€ 30,211
	€ 33,261	€ 31,047
	€ 34,045	€ 32,156
	€ 35,142	€ 33,261
	€ 36,244	€ 34,045
	€ 38,320	€ 35,142
		€ 36,244
		€ 38,320
<b>• Incrimint seirbhíse fada</b>	€ 39,794	€ 39,794

\* tar éis tréimhse uasta 3 bliana de sheirbhís shásúil

## Aquisín 2

### RÁTAÍ ÍOCAÍOCHTA ÍOSTA CRS SAN UAIR:

<b>Stádas an Ionadaí CRS</b>	<b>Ráta Leanúnach ón 1/09/2019</b>	<b>Luach na Saoire Bliantúla Reachtúla carnaithe in aghaidh na huairé a oibrítear ón 1/09/2019</b>
<b>CRSanna a ceapadh ar nó roimh an 31 Nollaig 2010</b>	€ 14.31	€ 1.24
<b>CRSanna a ceapadh ar nó tar éis an 1 Eanáir 2011</b>	€ 13.22	€ 1.15

### **AGUISÍN 3**

#### **Alt 12 den Acht um Bearta Éigeandála Airgeadais ar mhaithe le Leas an Phobail 2015**

Leasú ar an Acht Airí agus Rúnaithe (Leasú) 2011

Leasaítear an tAcht Airí agus Rúnaithe (Leasú) 2011 tríd an alt a leanas a chur isteach i ndiaidh alt 16:

“Téarmaí agus coinníollacha seirbhíseach poiblí a rialú

16A. (1) Más rud é—

(a) go bhfuil téarma nó coinníoll ceadaithe ag an Aire mar théarma nó mar choinníoll a mbeidh feidhm aige de thuras na huaire maidir le haicme nó le catagóir seirbhíseach poiblí a fhostú (cibé acu i bhfoirm ceadúcháin an ceadú sin, aon fhoirm eile de cheadúchán nó as toiliú ón Aire do bhreith duine eile san ábhar), agus

(b) go ndéantar conradh fostaíochta maidir le seirbhíseach poiblí a thagann faoin aicme nó faoin gcatagóir sin ina bhfuil téarma nó coinníoll a chomhfhreagraíonn don téarma nó don choinníoll atá ceadaithe amhlaidh ach atá níos fabhraí don seirbhíseach poiblí ná an téarma nó an coinníoll sin,

beidh éifeacht leis an gconradh ionann is dá gcuirfí an téarma nó an coinníoll a bheidh ceadaithe amhlaidh (dá dtagraítear i bhfo-ailt (2) agus (3) mar an ‘téarma nó an coinníoll ceadaithe’ in ionad an chéad téarma nó an choinníoll a luaitear i mír (b). (dá dtagraítear i bhfo - ailt (2) agus (3) mar an ‘téarma nó coinníoll neamhfhaofa’).

(2) Tabharfar neamhaird ar aon mhéid a íocfar leis an seirbhíseach poiblí lena mbaineann i gcomhlíonadh airbheartaithe leis an téarma nó leis an gcoinníoll neamhceadaithe ar mó é ná an méid is iníoctha leis an seirbhíseach poiblí faoin téarma nó faoin gcoinníoll ceadaithe chun críche aon teidlíocht pinsin a ríomh (lena n-áirítear teidlíocht ar chnapshuim agus teidlíocht d’íocaíochtaí tréimhsiúla pinsin) maidir leis an seirbhíseach poiblí sin.

(3) I gcás ina n-íocfar méid leis an seirbhíseach poiblí lena mbaineann i gcomhlíonadh airbheartaithe leis an téarma nó leis an gcoinníoll neamhceadaithe atá níos mó ná an méid is iníoctha leis an seirbhíseach poiblí faoin téarma nó faoin gcoinníoll ceadaithe ansin—

(a) beidh an ró-íocaíocht ar teachtadh ar iontaobhas ag an seirbhíseach poiblí don chomhlacht seirbhíseach poiblí, agus

(b) déanfaidh an comhlacht seirbhíseach poiblí méid na ró-íocaíochta a ghnóthú ón seirbhíseach poiblí, go díreach nó trí asbhaint as luach saothair is iníoctha ina dhiaidh sin leis an seirbhíseach poiblí sin nó ar shlí eile.

(4) Más rud é—

(a) go ndéantar conradh fostaíochta i leith seirbhíseach poiblí, agus

(b) go bhfuil téarma nó coinníoll sa chonradh i ndáil le luach saothair nach gcomhfhreagraíonn nó nach ionann é agus aon téarma nó coinníoll a bheidh ceadaithe ag an Aire i leith aicme nó catagóire seirbhíseach poiblí a fhostú faoina dtagann an chéad seirbhíseach poiblí a luaitear (cibé acu an formheas mar sin atá i gceist leis an gceadú sin, aon chineál ceadúcháin eile nó

cead an Aire a thabhairt do dhuine eile maidir leis an ábhar), beidh an téarma nó an coinníoll ar neamhní.

(5) Tabharfar neamhaird ar aon mhéid a íocfar leis an seirbhíseach poiblí lena mbaineann i gcomhlíonadh airbheartaithe téarma nó coinníll a cuireadh ar neamhní faoi fho-alt (4) chun críche aon teidlíocht pinsin a ríomh (lena n-áirítear teidlíocht ar chnapshuim agus teideal chun íocaíochtaí tréimhsiúla pinsin) maidir leis an seirbhíseach poiblí sin.

(6) I gcás ina n-íocfar méid leis an seirbhíseach poiblí lena mbaineann i gcomhlíonadh airbheartaithe le téarma nó coinníoll a cuireadh ar neamhní faoi fho-alt (4) ansin—

(a) beidh an méid sin in iontaobhas ag an seirbhíseach poiblí don chomhlacht seirbhíse poiblí, agus

(b) déanfaidh an comhlacht seirbhíse poiblí an méid a ghnóthú ón seirbhíseach poiblí, go díreach nó trí asbhaint as luach saothair is infíochta ina dhiaidh sin leis an seirbhíseach poiblí sin nó ar shlí eile.

(7) Ní mheasfar go bhfuil fo-ailt (3) agus (6) ag srianadh an dliteanais faoi reacht aon duine mar gheall ar an ró-íocaíocht sin.

(8) I gcás nach mbeidh méid lena mbaineann fo-alt (3) nó (6) gnóthaithe ag an gcomhlacht seirbhíse poiblí lena mbaineann, féadfaidh an tAire a ordú i scríbhinn don chomhlacht sin an méid a ghnóthú de réir fho-alt (3)(b) nó (6)(b), faoi dháta sonraithe, de réir mar is cuí, agus, i gcás go mainneoidh an comhlacht sin an méid a ghnóthú amhlaidh, féadfaidh an tAire an méid a asbhaint as aon deontas nó vóta de chuid an chomhlachta sin, nó as aon íocaíocht eile leis, as airgead arna sholáthar go díreach nó go neamhdhíreach ag an Oireachtas nó as an bPríomh-Chiste nó as toradh fáis an Chiste sin.

(9) Tá feidhm ag an alt seo maidir le téarma nó coinníoll arna chomhaontú tar éis thosach feidhme alt 12 den Acht um Bearta Éigeandála Airgeadais ar mhaithe le Leas an Phobail 2015.

(10) Tá éifeacht leis an alt seo d'ainneoin—

(a) aon achtachán eile,

(b) aon scéim nó socrú pinsin,

(c) aon chomhaontú nó socrú conarthach eile, nó

(d) aon tuiscint, ionchas, ciorclán nó ionstraim nó doiciméad eile.

(11) San alt seo—

Ciallaíonn “seirbhíseach poiblí” duine atá fostaithe ag comhlacht seirbhíse poiblí, nó atá i seilbh aon oifige nó poist eile;

Ciallaíonn “luach saothair” díolaíochtaí lena mbaineann Caibidil 4 de Chuid 42 den Acht Comhdhlúite Cánacha, 1997. ”.